



Synfocity = 976

mail us at : mzsynfo@gmail.com; mizoramsynod@gmail.com - Phone - 2314648

March 13, 2025

☐ **Kohhran Hmeichhe Inkhawmpui Lian tuang taka neih a ni**

March 7-9, 2025 chhung khan Presbyterian Kohhran Hmeichhe Inkhawmpui Lian, wawi 51-na chu Lothazawl Field, Thenzawlah neih a ni a, thupui "Rinawmna" niin Speaker Upa Lalnunpuia Hrahsele a ni. Rorel Palai 1213 an kal a, chhinchhiah chinah Inkhawmpui Liana kal mi 8294 an ni a, in-report lo eng emaw zat an awm bawk.

March 7 (Zirtawpni) zanah Palai lawmna leh Report inkhawm a awm a, inrinni nilengin Thenzawl Field Veng Kohhran Biak Inah Rorel a ni a, Rorel hlan hian Pandal-ah inkhawm a awm a, inrinni zan atanga Pathianni zan thlengin vantlang Pathian biak inkhawm a awm a ni. Kristian chhungkaw dinhmun tehna pakhatna chu N. E. Khawdungsei bial a ni.

Inkhawmpui rorel tlangpuite:

1. Synod Hospital, Durtlang Charity Fund leh John Williams Hospital, Lunglei tanpuina pualin wawi khat inkhawm ve ve thawhlawm lak khawm.
2. Ram pum huapin kan tu leh fate Biak Ina hruai uar leh zual tura inzirtir.
3. Zuk leh hmuam do.
4. Plastic bawlhhlawh paih/tihral dan tha uar zawka inzirtir.
5. HIV/AIDS natna hlauhawmzia inzirtir.
6. Ram tluk chhiatna thlen mektu soal hnathawh do let turin, Central Kohhran Hmeichhiaten Trainers Training neih thin ni rawh se.

Inchhiarna lam (January - December 2024):

Bial leh Kohhran mal zawmtu	222
Kohhran leh Branch Church	996
Chhungkua zawng zawng	1,22,875
Ni tin chhung inkhawm nei thei	88,482 (72.01 %)
Buhfaitham tham ziah chhungkua	1,21,347 (98.76 %)
Kohhran Hmeichhe member	2,03,840

Kum 2025 - 2027 chhunga Central Kohhran Hmeichhe Office Bearer-te chu:

Chairman - Pi K. Vanlalrawni (SEC thlan)

Vice Chairman - Pi Vanlalhlamuani, Dawrpui

General Secretary - Ni. H. Vanlalruati (SEC ruat)

Asst. Secretary - Pi Lalthansangi, Chanmari West

Treasurer - Pi Vanlalhluni, Maubawk

Fin. Secretary - Pi Zohmingliani, ITI Veng te an ni a, an ni bakah hian committee member 36 leh Ex-Officio 5 an awm a ni.

☐ **Synod Partnership buatsaihin Synod recognized Para Church Organisation intawhkhawm neih a ni**

March 12, 2025 (Nilaini) chawhma dar 11 khan J.M. Lloyd Hall, Synod Office-ah Synod Partnership Committee hmalaknain, Synod recognized Para Church Organisation leh khawtlanga rawngbawlna kalpui mek, pawl hrang hrang 30-te nen inhmuhkhawm a ni.

He hun hi Rev. R.C. Lalngkhakliana, Synod Moderator-in a kaihhruai a. Rev. V.L. Luaia Hranleh, Senior Executive Secretary i/c Partnership-in fuihna thuchah a sawi a. Pawl hrang hrang aiawhte pawhin thu an sawi bawk.

He intawhkhawmah hian mi 74 vel an kal thei a, heng pawl hrang hrang hnenah hian an rawngbawlna hriatpuina thilpek Synod hminga pek vek an ni.

☐ **Presbyterian English School (PES)**

March 13, 2025 (Ningani) hian Rulchawm PES building thar hawngin Rev. Dr. Rosiamliana Tochwawng, Executive Secretary, Upa P.C. Vanlalhruaia, Supervisor of Schools leh Upa Lalthanzama, PES Sub-Committee member-te an kal a, an ni hian Ngentiang PES hawn thar dil te dinhmun an enfiah nghal ang.

Contd...

☐ **Chanchin Ṭha thlen Ni**

Mizorama Chanchin Ṭha thlen Ni champha, March 15 (Inrinni) chu Kohhran hrang hrangah special programme-a hman a ni dawn a, Kohhran tam ber chuan hemi ni pual hian zan lamah hun an hmang ang. March 15 chu Mizorama Chanchin Ṭha lo thlen ni atan 2012 Synod Inkhawmpui, general 22-nain a rel angin kum 2014 aṭanga hman a ni a, kumin hi Chanchin Ṭha lo thlen aṭanga kum 134-na a ni. Mizorama Chanchin Ṭha thlen ni atana kan hman March 15 hi Mizorama Chanchin Ṭha rawn puang hmasa bertu Rev. William Williams-an Mizoram a rawn thlen ni champha a ni a. Rev. William Williams-a hi Khasi rama Welsh missionary a ni a, Mizote chanchin a hriatin Mizote zinga Chanchin Ṭha hrih a duh hle a, Mizote zingah missionary ni tura a lo kal thei lo chungin Mizoram tlawh hram a tum a, Silchar DC remruatpuinain Sipaiho ruala lo kalin Mizoram a rawn lut a, a hmasa ber atan Mizote zingah Krista Chanchin Ṭha a rawn puang ta a. Chuvang chuan Rev. William Williams-an Mizoram a rawn thlen ni hi Mizoram Presbyterian Kohhran chuan Mizorama Chanchin Ṭha lo thlen ni atan a hmang ta a ni.

☐ **MSSU**

March 15, 2025 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Tlangnuam West Kohhran : Upa S. Kapzathanga, Upa B. Hmingthanruala leh Upa C. Lalbiaksanga
Sihphir Venghlun Kohhran : Upa Hrilthansanga, Upa Zohmangaiha leh Upa Lalliantluanga

☐ **Mizoram Christian College (MCC)**

◆ Mizoram Christian College Information Communication Technology (ICT) Cell chuan College hma lam hun ngaihtuahin website thar ṭha zawk leh changkang zawk neih ṭhain a hria a, website thar siam tur hian Lailen Consulting Pvt. Ltd. te nena indawrin siam fel a ni ta a ni. Website thar hi March 10, 2025 (Thawhṭanni) khan Upa Dr. Tawnenga, MCC Principal-in a hawng a, MCC website thar chu - *mizoramchristiancollege.edu.in* a ni.

◆ March 6, 2025 (Ningani) khan MCC-in NEP hnuai Skill Enhancement Course a thlan zinga mi Pa khawi dan zir (Mushroom Cultivation) thlangtu zirlaite chuan Even Semester 2025 atan Pa khawi dan an zir ṭan a, Pa khawi dan zir hona hi College campus hmun remchang laiah neih ṭhin a ni. MCC zirlai Mushroom Cultivation thlangtute hi mi 52 an ni a, a zirtirtu tur hian Dr. Albana L. Chawngthu chu College-in a ruai mek a ni.

☐ **Synod Mission Board**

◆ **Jharkhand Mission Field**

March 9, 2025 (Pathianni) khan belhtu thar pasarih an awm.

◆ **Assam Mission Field**

March 9, 2025 (Pathianni) khan belhtu thar 20 an awm.

◆ **Delhi Mission Field**

March 9, 2025 (Pathianni) khan belhtu thar pali an awm.

◆ **Calcutta Mission Field**

March 9, 2025 (Pathianni) khan belhtu thar pahnih an awm.

◆ **Arunachal & Assam Mission Field (East)**

March 9, 2025 (Pathianni) khan belhtu thar pathum an awm.

◆ **Arunachal & Assam Mission Field (North)**

March 9, 2025 (Pathianni) khan belhtu thar pakhat a awm.

◆ **Karbi Anglong Mission Field**

March 9, 2025 (Pathianni) khan belhtu thar pakhat a awm a, kohhran dang aṭangin mi pathum kan kohhranah an rawn inpe bawk.

◆ **Patna Mission Field**

March 9, 2025 (Pathianni) khan belhtu thar panga an awm.

☐ **FM Zoawi - Aizawl & Lunglei : Hruaina Eng Radio Programme**

March 14, 2025 (Zirtawpni) @ 7:30 p.m. :

Solo : Lalhruaitluangi Hmar - Ka nghilh lovang, **Zaipawl :** Khatla Bial Zaipawl - Kan ram tidam leh rawh, **Thusawi :** Pu Lalromawia - Kristian hla bu lo piandan leh a ṭhan zel dan, **Solo :** Lalduhsaki - A hmangaihna fakin i zai ang, **Zaipawl :** Dawrpui Bial Zaipawl - Ka chakna Lalpa

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vairengte IOC Veng	Kangmei tuar	6	₹ 68,000/-
2.	E. Phaileng	Damlo	2	₹ 20,000/-
3.	Luangpawm	Damlo	1	₹ 10,000/-
4.	Tlangnuam	Damlo	1	₹ 10,000/-
5.	Chhingchhip Mualpui	Damlo	1	₹ 10,000/-
6.	Andermanik	Damlo	1	₹ 10,000/-
7.	E. Lungdar Venghlun	Damlo	1	₹ 10,000/-
8.	Khamrang	Damlo	1	₹ 10,000/-
9.	Sihphir Vengthar	Damlo	1	₹ 10,000/-
10.	Melthum	Damlo	1	₹ 10,000/-
11.	Mauchar	Damlo	1	₹ 10,000/-
12.	Zote	Damlo	1	₹ 10,000/-
13.	Mamit	Damlo	1	₹ 10,000/-
14.	Suarhliap	Damlo	1	₹ 10,000/-
			Belh khawm	₹ 2,08,000/-

□ **Hruaina Eng TV Programme**

- 13.3.2025 (Ningani) 08:30 pm : Thupui zir bing
 14.3.2025 (Zirtawpni) 05:00 pm : Kristian Naupang Pual
 15.3.2025 (Inrinni) 05:30 pm : Puitling Sunday School Zirlai
 16.3.2025 (Pathianni) 08:00 am : Weekly round up
 17.3.2025 (Thawhtanni) 08:30 pm : Hruaina Eng luang chhuak - Rev. J. Lalremsiama
 18.3.2025 (Thawhlehi) 06:00 pm : Nilai zan thupui
 08:30 pm : Kohhran Chanchin - Venghnuai Kohhran

□ **Moderator leh Executive Secretary-te Programme:**

Rev. R.C. Lalnghakliana : Moderator

- March 13, 2025 Hriphaw Biak In hawn
 March 15, 2025 Kolasib Venglai 'N' Biak In hawn
 March 16, 2025 Buhchangphai Bial

Rev. V.L. Luaia Hranleh : Senior Executive Secretary

- March 13-14, 2025 Hmarphei Presbytery Kohhran Committee Retreat, Ratu
 March 19, 2025 ATC Valedictory Service
 March 20, 2025 Synod Revival Speaker Retreat

Rev. Dr. K. Lallawmzuala : Executive Secretary

- March 13-17, 2025 KJP Synod Mihngi
 March 19, 2025 SL&PB
 March 19-22, 2025 Masters College of Theology, Visakapatnam - Farewell & Dedication programme

Rev. Dr. Rosiamliana Tochwawng : Executive Secretary

- March 14, 2025 Central KTP Committee
 March 15-16, 2025 Kanghmun Kohhran
 March 20, 2025 MTC Governing Board
 March 21, 2025 Campus Ministry programme
 March 22, 2025 FG&CC programme
 March 23, 2025 Muallungthu Kohhran (Zan)

